

向晚嫩涼生戶牖松巖獨坐楮頤憑高一望徹天涯孤城烟樹  
慘遠浦片帆歸 萬里碧天澄似水雲間不動毫釐昭明月  
弄晴輝圓光含法界靈艷射瑤池

聞杜鵑戲成

一片閒心閒不倦騰騰兀兀忘機曉來微雨過窗扉翠霞青嶂  
裏還聽杜鵑啼 句句不如歸去朗我今已應歸期功成自是  
步雲霓何須施巧辯苦苦競相催

青蓮池上客

本名青玉案

贈烏林答德潤

而今既悟塵勞苦已是身遭遇屏棄浮華宜樸素常懷柔弱莫

道藏輯要

草堂集

七

易集七  
川川

生貪妒言行須相副 閒中不起閒思慮自得閒中妙玄趣營

養三田無旦暮陰消陽長氣凝丹結方稱全真侶

黃鶴洞中仙

本名卜算子

示眾

奉勸修仙客各要常甯耐萬難千魔志轉堅休把初心改 渾  
似蟾光大瑩靜長天外幹運無私滿大千信使浮雲寨

贈程三

人似當風燭誰肯心回顧目下恩情緊絆牽豈覺於身苦 幸  
有修仙路散散閒閒做到處逍遙任自由功滿蓬瀛住

姪鶯嬌

本名惜奴嬌